



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex residuis capitibus lib. 2. Esdræ, in quibus
describitur Numerus beneficiorum, à Deo Israëlitis collatorum, sed eorum
subsecuta ingratitudo. Sabbathi & Festorum observandus ...

[urn:nbn:de:hbz:466:1-61252](#)

brari convivia : tamen actus ex se laudabilis , & nonnisi ex accidenti reddatur vitiosus ; alias Deus nunquam præcepisset Populo cap. 8. Celebrare convivia, commedendō pingua , bibendō mulsum. Sacræ paginæ etiam laudibūs efflerunt Tobiam , de quo afferunt : quod Festis solemnioribūs adornārit epulas , vicinos cognatosque invitans. Licet Judith jejunio esset addictissima , diebūs tamen festivis corpus animumque recreabat convivii apparatu. Et quis nescit sumptuosas ilias Abrahāmi epulas, in die ablactationis Isaac institutas ? quis non laudat splendidum illud convivium , quod Pater prodigi filii eō celebrari voluit tempore , quō domum rediit miserandus ille porcorum conviva ? Christus ipse parentis illius nomine testatur Lucæ 15. Epulari autem & gaudere oportebat, quia hic filius meus mortuus erat, & revixit. Est inter Reges vix reperire unum , cui tam insigne Praeconium posuit S. Scriptura ut Josiæ, dum Eccles. 45. de eo dicitur : *Memoria Iosia in compositionem odoris facta opus pigmentarii, in omni ore quasi mel dulcorabitur ejus memoria, & ut Musica in convivio vini.* Et tamen eadem Scripturā teste constat : illum Regem instruxisse epulas , comedisse , & bibisse. Damnatur ergo tantummodo excessus, qui solet vitiare convivia, dum vel lautè nimis adornantur, vel in iis temperantiae limites exceduntur. Quare audiamus Chrysostomum tom. 1. in Genes. Homil. 2 præscribentem : quomodo inter epulas se gerat Christianus, ut nutriendō carnem, non maculet mentem ; ait ille : *epulis vestris inseruit Christus, in facie prandeatur authoris, honestate convivii natura ipsa, qua producit, honoretur. Latitia mense vestra pertingat ad pauperes Christi. Familia vestra Innocentia tripudiet disciplinam. Absit ebrietas, luctus abscedat, fugetur effusio. Saltatricum pestis, lenocinia Cantorum, somenta voluptatis, ventris onera, naufragium virtutis à convivio absindatur.*

Doctrina 3.

Desumpta ex residuis capitibus lib. 2. Esdra, in quibus describitur Numerus beneficiorum, à Deo Israëlitis collatorum, sed eorum subsecuta ingratitudo. Sabbathi & Festerum observandus Cultus &c.

N. 362. Considera 1. **L**ongum Catalogum beneficiorum, quæ acceperant Ju- dæi à Deo teste cap. 25. dum illud ait : possederunt domos plenas cunctis bonis, vineas & olivera, & ligna pomifera multa , & comedunt,

runt, & saturati sunt, & impinguati, & abundaverunt in deliciis in bonitate magna. Verum quid tandem boni evenit ex tanta bonorum copia? quomodo iisdem ad munifici Datoris gloriam usi sunt? en! mox respondeat S. Textus: Provocaverunt Deum ad iracundiam, & recesserunt à te, & projecerunt legem post terga sua. Ita prohdolor! contingere solet in hoc mundo, ut bonorum temporalium abundantia plerumque cum divinarum legum transgressione conjungatur: hinc conversio S. Matthæi Apostoli eò tempore facta, quô permagnis mundi favoribus fruebatur, meritô magnum divinæ Omnipotentiæ Bonitatisque prodigium dicitur à S. Petro Dam. Serm. 51. Ecclesiasticus etiam beatificat hominem, qui terrenis refertus bonis, inordinatō tamen eorum appetitu affectuque non abripitur: asserit ergo cap. 31. Beatus vir, qui inventus est sine macula, & qui post aurum non abiit, nec speravit in pecunia & thesauris &c. S. Bernardus æstimat hominem, qui ancillantem fortunam sentiens innocentiam ad tumulum deferat illæsam, Martyrii meritum consequi: ait namque in Serm. quodam: Non quod Martyrium gravius est, quam inter epulas esurire? inter vestes multas & pretiosas algere? paupertate premi inter divitias, quas offert mundus, quas ostendit mundus, quas desiderat noster appetitus? Non miremur: quod Deus Populo suo dederit leges in deserto; nullus enim locus ad earundem observantiam videbatur aptior, quam qui rerum omnium indigentia laborabat. Atque hinc etiam facile colligimus: cur Moyses Tabulas legis projecerit de manu sua eo in loco, in quo vidit, Populum deliciis & aliarum rerum abundantia frui. Igitur ò Christiane! si animus tibi est, serviendi Deo, & hâc servitute consequi æternum in Cœlo Dominiū, exclama cum Salomone ore & corde Proverb. 30. Divitias ne dederis mihi. Tribue tantum victui meo necessaria: ne forte satiatus illiciar ad negandum, & dicam: quis est Dominus?

Considera 2. Frequentiorem illam mentionem, quæ in residuis N.463.
hujus libri capitibus fit de debito Sabbathi & Festorum Cultu: nam capite 10. unanimi votô verbôque concluditur, nullas merces die Festo accipere venales à Populo terræ, dum asserit S. Textus v. 31. Populisque terre, qui importunt renalia, & omnia ad usum per diem Sabbathi, ut vendant, non accipiemus ab eis in Sabbatho & in die sanctificato, cap. vero 12. & v. 42. dicitur: immolaverunt in die illa victimas magnas &c. & custodierunt observationem Dei sui, & observationem expiationis v. 44. Verum enim ye-

ro quam parvô tempore stetit tam exactus Sabbathi Festorumque

Cultus;

P p p

Cultus: dum cap. 13. testatur Esdras: Vidi in Iuda calcantes torcularia in Sabbatho, portantes acervos, & onerantes super asinos vinum & uvas & ficas & omne onus, & inferentes in Jerusalem, & objurgavi optimates Iuda, & dixi eis: que est haec res mala, quam vos facitis, & profanatis diem Festum? ò utinam tales querelas solus Esdra effudisset contra Judæos! utinam non Christus Ipse pares nostris temporibus cogeretur effundere contra Christianos? dum Festis diebus videt saepius loco precum pretia tractari, sub ficto necessitatis titulo vehi merces, celebrari nundinas, institui contractus &c. Quid ergo modernus Festorum profanator mundus aliud audiat, quam quod audiuit Populus Hebreorum v. 18. citati cap. dicente Esdrâ. Et adduxit Deus noster super nos omne malum, hoc est super civitatem istam. Hoc comprobant diuturna bella, quibus Regiones spoliatae, civitates dirutæ, domus succensæ, in captivitatem abducti sunt incolæ. Singulis quasi horis inculcatur nobis: Memento, ut diem Sabbathi sanctifices. Sed ob actus contrarios videmur. Quasi omnem hujus Precepti memoriam exuisse. Non miremur ergo, si Deus quoque non recordetur lacrymarum & precum nostrarum, quibus petimus: Da pacem Domine in diebus nostris.



FASCICULUS LV.

Doctrinarum Moralium & Asceticarum.

Doctrina I.

Desumpta ex cap. 1. & 2. libri Tobiae, in quibus describitur Pietas Senioris Tobiae erga Deum & homines, Salamanar Regis erga eum Clementia. Somnus Tobiae & excacatio. Servata erga omnes exacta Justitia &c.

N.364. Considera I. **T**Obiam inter impiissimos versantem Barbaros, summae Pietatis officia nullatenus deseruisse, consolando moestos, alendo esurientes, vestiendo nudos, sepeliendô mortuos & occisos, ut refert primum hujus libelli caput. Sin autem quæras: unde venerit tam constans, & nunquam interrupta viri